

PROCEEDINGS OF THE EIGHT SESSION OF THE SECOND MIZORAM
STATE LEGISLATIVE ASSEMBLY FROM 12.3.1991 TO 2.4.1991.

3RD SITTING ON FRIDAY THE 15TH MARCH, 1991 AT 10:30 A.M.

PRESENT

PU VANLALNGENA, Deputy Speaker at the Chair, Chief Minister
10 (ten) Ministers and 22 (twenty two) Members were present.

QUESTIONS

1. QUESTIONS entered in separate lists to be asked and answers given.

PRIVATE MEMBERS BUSINESS

2. PRIVATE Members Resolutions.

DEPUTY SPEAKER : Mifing lei chuan finna thu dik
a chhak chhuak thin a. Mi a
ka erawhchuan thu atthlak a
chhak chhuak thin. LALPA mit
chu hmuntinah a awm a. Thil
tha lo leh tha a enthla reng
thin.

THUFING 15:2-3.

Question kan ti nghal mai ang a, Pu Saikapthianga
Minister leh Pu P.Siamliana Minister House an rawn attend
theih loh tur dilna an rawn siama, phalsak an ni a.
Question No. 23 na Pu Lalrinchhana'n han zawt sela.

PU LALRINCHHANA : Pu Deputy Speaker, ka zawhna
Starred Question 23-na.

Will the Hon'ble Minister in-charge Labour
& Employment Department be pleased to state -

Mizoram State pawn atanga Labour etc. atana
Lak luh chungchangah Mizoram Sorkar hian policy engnge
a neih ?

DEPUTY SPEAKER : Minister in-charge Labour &
Employment Pu C.L. Ruala'n
han chhang teh se.

PU C.L. RUALA
MINISTER : Pu Deputy Speaker, Mizoram pawn
atanga labour etc. lak luh chung-
changah Mizoram Sorkar chuan

...39/-

guideline a issue a, he guideline hi inner line pass guideline for issueing inner line pass Mizoram tih khan a huan tho a. Hmanni khan he House ah hian Member te hnenah kan pe ang she u tiin ka tiam tawh a, chu chu sem nisela khata tang khan a hriatfiah theih mai ang a.

Khatah khan ka sawi ang khan form A,B,C,D,E, kha kha a awm a, khatah khan helper te skill labour te unskill labour te contractor te mahalder te

Khang ho ina inner line permit an dil theih dan tur ang leh kan pek dan tur ang kha a hriat theih mai ang.

PU ZORAMTHANGA : Pu Deputy Speaker, kan zawh belh lawk ang e. Hemi connection ah chuan khalaiah khan Borkar lamin hma an la tluang tha zel ang tih ka ring a.

Amaherawhchu, labourer atana han hman chi loh hei tuallaiah pawh vai kutdawh chhe tak tak leh engngemaw a thir chhe zawng mai mai nen lam an thahnem ta lutuk a, hei hi Sorkarin an permit te pawh hi check sakin en sela hei an luhlul ang reng khawp a, tukin ah pawh kan rawn tian phei naah hmawlh sei pui pui pu in kawng laiah motor hlau lo leh sut palh hlauhawm awm hi hnamdang khungah a chhiava zual lo kal te an ni a, a ti tawp zual em em mai a. Sorkar in chak zawkin hma lo la se permit nei an nih pawh a rinawm lova, hei hi labourer an tling chiah silova, hengte pawh hi engnge ni chak zawkin a en nan hian hma an la thei lawm ni kan ti deuh.

PU LALRAWNLIANA : Pu Deputy Speaker, a chhan nghal atan. Tunah hianin inner line permit pek Mizoram a awm Mizoram pawn ami tunah hian Sorkar record ah engzatnge mihring tunah engzatnge kan neih ?

PU LALRINCHHANA : Pu Deputy Speaker, zawh belhna kan pe ve nghal law law ang e. Heng permit pek te hi hun hi nei a pek anni chek ang a, an hun bi a tawp khan an haw thlak ngei leh ngei loh hi enfiah zuina kan nei em aw? Hemi an haw thlak ngei leh ngei loh an permit tawp te an haw thlak ngei leh ngei loh hi en zuina engang in ngei kan nei tih leh heng permit pe tu tur hi tuna an sem tur ang khan a chuang emaw ka hre lova, tunge permit in pek tir tih khan kan zawh belh duh lawk a ni.

PU TAWNLUJA : Pu Deputy Speaker, Inner line ina a cover chu Cachar nena kan in ri lam hi a ni awm tak a ni a. Hei ram pawn State pawn atangin a ti a. Khawchhak lama awm niin a lang a. Tin, mi tam tak in mahni ina awmpui ah te pawh kan hmang a, hei hi sorkarin

engtiang angin nge a control emaw, a control loh emaw
 engtianga lo lut nge annih tih ka zat belh duh a. Tin,
 vai hi Sizawl khawpui ah hian an tam ta lutuk reng reng
 a. Permit nei loh chuan an lo lut thei lo reng reng a,
 heti zat hi sokar hianin an pe nge nia pek loh an tam.
 Tin, nichina kan sawi tawh ang khan Bel zuara thingtlangah
 pawh an kawta, harsa tak tak karah hetiang thleng thlenga
 an vah theihna tur hian permit pek an ni em? Zarkawt
 phei ah te, Dawrpui phei ah te zing leh tlai ah hian hnam
 dang kan tih ah hi an tam ta lutuk a ni lawm ni? Sor-
 karin hei hi a enzui thei em? Strick zawk ina control
 thei em?

PU K. VANLALAUVA : Pu Deputy Speaker, chhan nghal
 atan, a zawhna khan a huamin ka
 hria a, Labour chung chang thu
 ah hian hriat tul ka tih riau
 chu cement work hna thawk ho te
 leh a thing lampangah reng reng pawh hianin a tlangpui
 thu in cement hnathawk tur pawh hianin Mizo aini Vai an
 tam deuh ta a. Entirnan- tahhianin Karimganj atangte leh
 khawi khawi atangte in emaw an lo chhuak a, kan chah chhuak
 a, Mizoram hian nakinah pawh kan han en ang a, a la chiang
 mahna rate mumal kan lo siam sak tawh anih chuan a fha hle
 ang a, mahse kan hriat theih chin ah hi chuan in an lo
 chhuak a, rate an rawn nei nghal chawt mai a, anmahni in
 zelin a khanin kan lo in chuh ta deuh a. Anmahni rate
 ang ang khan kan chhawr ta hmiah hmiah mai a, sit deuh tak
 chungin a hrehawm deuh tak chungin a an chhawr ta zel mai
 a. Heng hi tun danah khan emaw kan hmalam zelah hian emaw
 anmahni rate ang zel hian em ni kan chhawr zel ang aw.
 Tin, keimahniin rate mumal taka kan siam sak hi a awm tawh
 lawm ni tih ka zawt e.

DEPUTY SPEAKER : Minister in-charge in han
 chhang teh se.

PU C.L. RUALA : Pu Deputy Speaker, pass nei lo
 MINISTER kutdawh te tih chungchangah
 khan engngemawzat an awm niin a
 lang a, tah hian a endiktute
 kan in siam mek a. Chutia kan endik ruak ruak chuan thil
 pakhat buaithlak deuh mai chu kutdawhte pawh hi a kohhnan
 anga rawn ziak sakin in lo tanpui thei em tia rawn ziak
 sak Y.M.A. Branch rawn ziak sak tih ang reng te pawh kan
 hmer nawlh nawlh mai a. Heng hi keimahni ina kan zir ve
 deuh te pawh hi a ngai dawn a. Engpawhnisela, tunah hian
 in a nei lo kan la khawm mek a, a thawn haw dan tur pawh
 kan ruahman mek a.

Hmanni ah S.P. te leh Y.M.A.
 hotu te nen pawh in hmuh khawmna kan nei a, chutiang chuan
 a nei lo engngemawzat an address te nen kan nei tawh a.
 Chu chu thawn haw dan kan ngaihtuah mek a ni.

Tin, khawchhak lam atanga lo
 kal hi hei kan hriat theuh angin Chin Hill Regulation Act
 kan nei a, chutah chuan chungte tlawh tur leh tur loh te
 pawh kha a hriat chiah tawh bik lova, he lai hi kan awm-
 ...41/-

pui bakah puantah ho hianin an ngah em em mai a, nauawm ah te an chhawr tam bawk a. Chuvang chuan tih thiam pawh a har leh viau dawn mai a.

Kha kha han hmuh chhuah te pawh kha a then chuan kan Kohhran member a ni tawh a, hei chutiang khatiang chu a ni a, an lo ti a. Electoral Roll ah lo khung tawk te ho pawh an awm ang. Tiang chuan hemi kawngah pawh hian tan kan lak tlan dan tur ngaihtuah ho a ngai viau in ka hria a. Chuti anih loh chuan hengho hi ni e an lo kal tam tawh tawh chuan keimahnin tana hnawksak an ni thei dawn a, tunah erawhchuan a han check dan tura kha a then hi refugee angin tlem an awm a, chungho pawh chu Central ah kan thlen a, engtingge kan tih dawn kan ti a, hei kan la in dawh mek zel a. Refugee anga awm chu tam tak pheih chu an ni lo, mahse a tam bera hi chu.

Keimahnin heta kan chhawr hetiang anga kan kawh han tih chhuah dawn pawh a, hengte hi kan tih chhuah theih chuan puan kan tah thei lo a ni mai ti te. Puantah Association ho pawh kha tangruah tham kha an lo awm ve tawh a. Khangho khanin engngemaw chen harsatna min siam ve a chung chu kan hriatsak a tha in ka hria a. Engpawhnisela, hengho pawh hi engtingge kan tih zel ang tih hi Oppositiona kan member zahawm tak heng a han sawi chhuaktu te leh midang dang nen te pawh a ngaihtuahho ngai tak chu ni tawhin a lang.

Tin, Innerline Permit pek zat hi hman ni inner line chung chang ah khanin kan in buatsaih e kan ti a hei wawin ah chuan ka nei mai lewa, Office lamah kan lo pe mai ang a.

Kan member zahawm tak Sateek bialtu kha Office lamah lam mai thei sela Pu Speaker, chu chu a tha in ka ring. Inner line pass kha kan zawt chiah lo deuhin ka hria a. Chuvang chuanin ka rawn keng lo tlat a, min hriat thiam ka beisei.

Tin, rate chungchang thu Khawbung bial MLA zahawm takin a a rawn sawia kha a rate chungchang thu kha keimahnin thiam loh bawk a ni. Tunhma te khan rate hniate in kan chhawr a, kan chhawr thei viau va, hei kan ti sang zel a. Tunah Labour & Employment lam chuan rate kha hman tur ang khan nei mah ila. Khami ang lo vek khan khawchhungah pawh hian kan in chhawr a, Mistiri thiam deuh a kha chu mi chhawrlai pawh kha keiman man tam deuhin ka lo chhawr ang che kan ti a kan pawt peng zel a. Chuvang chuan keimahnin a rate hi kan siam mumal thei lo tlat mai nin a lang a. Sorkar chuanin hetiang hian han tih tluta kha a har khawpin ka ring. Hetiang hianin fixed rawh u in tih chuan kan fixed mai ang a. Amaherawhchu, kan fixed ang chuan a kal leh chuan chu ka ring lo. Mahni duhzawngte kha chu Rs 60,80,100 te pawn kan chhawr leh mai chuan a rinawm khawp mai. Chu chu supplement a ni tlangpui mai em aw ? kan in chhang zo em aw.

PU H. RAMMAWI

: Pu Deputy Speaker, Khalaiyah Khan khawchhak lam han tih. laiah Khan Puantah tih lai ah Khan Chin Hills Regulation Act

ina a huam loh hrim hrim te an ni a, helaia kan kawite hi, a then hi chu a huam lo reng reng a nia. Chin Hills Regulation Act kha en ta ila, a huam loh kharci piah ami daih te kha kan kawl a, chu chu Minister zahawm tak khanin a huam emaw kan ti palh mai thei a, a huam loh hrim hrima kha an tel tih kha lo hfaia sela tih ka duh a. Tin, Phuldungsei leh Marpara in karah sawn Hruidak hmunah tunhma Village Council khaw mumal pawh awm lo kha hmanni lawk atang khan in 200 chuang ngawt mai khawthlang atanga Mizoram pawn atanga rawn chho thar ten khaw thar an rawn kai a. Chu chu a ven a hnekin Village Council te tun General Electionah khan puan tel pawh a ni lova, amahe-rawhchu, a hnu ah khan an pe chawp ta chuk chuk a. Kan Sorkarin khangte kha engnge kalpui zel kan tum dan. A bik takin Mizoram ah hian Western Belt ah reng reng hian kan him lo a ni. Chu chu Sorkarin engtingge hma lak zel a tum? Foreigner an nih chu India citizen pawh ni lo.

DEPUTY SPEAKER : Kha kha chu chhan a ngai lo. Original Question atang khan a relevant lo. Question no.24 na-Pu Aichhingan han zawt teh se.

PU AICHHINGA : Pu Deputy Speaker, ka zawhna starred question 24 na -

Will the Hon'ble Minister in-charge Power & Electricity Department be pleased to state -

Electric Department truck condemned tawh Zuangtui Godown bula dah ringawt chu angvanginngaw wawiin ni thlenga auction a la nih loh?

DEPUTY SPEAKER : Minister in-charge Power & Electricity Department Pu Lalhuthangan han chhang teh se.

PU LALHUTHANGA MINISTER : Pu Deputy Speaker, Sorkar thuneitu te hnenah condemn leh auction phalna dil mek a ni.

PU AICHHINGA : Pu Deputy Speaker, zawh belhna- He truck hi a tam ber phei chu a awm tawh lo ni awm te pawhin sawi a ni a. Chuvang chuan auction dawn pawhin man man vak lo a body leh engemaw deuh mai mai awm tawh ni te pawhin a lang a. Hetiang anga thil dah hi a dik lo hle a, hemi ti tura lo tiha hi engtik atanga dilna chu lo tih tak nge tih lai te a kha kan zawt belh leh hlek duh a ni.

PU LALHUTHANGA MINISTER : Pu Deputy Speaker, helaia Zuangtui Godown kawta Motor ding hi ZRG 1526 a ni a. Hei hi nikum

February 19 khan Serchhip leh Police Station khimi trans-
former leh Police Station inkarah khian a accident a, nasa
zetin kawng thlangah thui tak a lum a, a chhiat hriat a ni
a. Tahchuan M.V.I. te hnenah report in he accident na
hmun hi an han en a, chutah chuan he accident hi M.V.I.
atanga report kan hmuh danah chuan brake that loh vang an
ti a. Tin, Police lam pawhin accidentally tak tak a ni e
an ti a, chu chu he motor accident na chhan hi a ni a.

Tichuan he vehicle hi condemned
tur a ni e tiha chu nikum July 19 khan Department in condemn
board hnenah a dil a, chumi chhanna chu 25 February, 1991
khan kan hmu a, chu chu condemned tur leh auction turin
tunah hian process mek a ni. (Pu R.Romawia : Kha motor kha
Zuangtui Godown kangah khan a kang tel tawh lo maw ?).

PU H. RAMMAWI : Pu Deputy Speaker, July 19 a
Department in an va dilah khan
condemn turin an dil lo em ni ?
Tun February 25 a an chhanna
kha engnge an rawn chhan. Tunah khan condemn tur leh
dispose turin an condemn phawt ang a, chutah an disposed
tur niawm tak a ni a. A lehkha hi a thangrei veng veng khawp
mai a. Delhi zin leh Bangkok foreign zin aiin hei hi a rei
a, min hrihfiah lawk teh se.

PU LALHUTHANGA : Pu Deputy Speaker, ni e rin aiin
MINISTER hun hi a lo duh a. Condemn board
in a condemn tur a khami a dilna
a kha an dilna No. pawh D. 27011/
2/88 CE (P)/6 19 July 1990 a condemn turin hei hi a recommend
tawh a ni a.

Hei hian phalna a rawn peka chu
letter no pawh chhiar chhuah kher ngai lo in ni 25 February
ah khan hmuh a ni Department atang chuan. Chulai atanga
auction chu process mek a ni.

DEPUTY SPEAKER : Question No. 25 Pu Zosiama
Pachua.

PU ZOSIAMA PACHUAU : Pu Deputy Speaker, ka zawhna
No. 25 na -

Will the Hon'ble Minister in-charge Transport
Department be pleased to state -

- (a) The Departments which have Trucks and Buses
including the number of Vehicles.
- (b) Any other Departments which have no Trucks and
Buses.

DEPUTY SPEAKER : Minister in-charge in han
chhang teh se.

PU NIRUPAM CHAKMA : Pu Deputy Speaker, The question
MINISTER (a) is to supposed to be answered
by the G.A.D. However, we have
maintain this vehicle registered

as per our record as on 28.2.91. -

Local Administration Department
Bus - 1, Truck - 15
Revenue and Settlement Department
Bus - 1, Truck - 14
Power and Electricity Department
Bus - 1, Truck - 38
Public Health Engineering Department
Bus - NIL, Truck - 15
Public Works Department
Bus - 1, Truck - 43
Transport Department
Bus - 131, Truck - 47
Commandant General MRHG
Truck - 5
Inspector General of Police
Bus - 2, Truck - 1
Animal Husbandry and Vety. Department
Bus - 1, Truck - 11.
Printing and Stationery Department
Bus - 1, Truck - 2
Tourism Department.
Bus - 1, Truck - 1
Secretariat Administration Department
Bus - 1
Civil Aviation Department
Bus - 1
Sport and Youth Services Department
Bus - 1
Mizoram Legislative Assembly
Bus - 2
Police Department
Bus - 8
Other heavy Vehicles - 80.
Soil Conservative Department
Bus - 1, Truck - 6
Deputy Commissioner Aizawl
Truck - 2
Industries Department
Truck - 6
Forest Department
Bus - 3, Truck - 7
Social Welfare Department
Truck - 1
Health Services Department
Bus - 2, Truck - 3
Labour & Employment
Bus - 1.

And the second question any other
Department which have no trucks and Bus.

As per our register we did not
find many of Departments which have no Vehicles:-
Trade & Commerce, Commissioner of Taxes, General Adminis-
tration Department, Finance Department, Political Depart-
ment, District Council Affairs Department, Food & Civil
Supply.

I mean we got no reply from them.
And Co-operation Department, Rehabilitation Department,

Vigilance Department, Planning and Programme Implementation Department. These department has not the reported so we can not give the information.

PU ZOSIAMA PACHUAU : Pu Deputy Speaker, thank you for the reply I received from the Minister, it seems that we have about two hundred trucks and 271 Buses. Why do we buy these what for? It may not be a responsibility to give a reply to my questions.

But I think it is relevant to raise this questions. Why do we buy these trucks and Buses.

PU NIRUPAMCHAMKA MINISTER : Pu Deputy Speaker I'll answer very shortly, because the department, all these department buying what I tell is this on Public Interest.

PU ZOSIAMA PACHUAU : Pu Deputy Speaker, ka zawhna a chhan kha, Transport Minister tan a chhan a har ang tih ka ring a. Kan Chief Minister te, Minister dangte an awm avangin kha kha chhang thei ber ah ka ngai a.

Kan zawhna chhan bulpui ber pakhat a chu hei heti zat hi Truck kan nei a, heti zat hi Bus kan nei a. State Transport leh Private Bus ten sumdown nan an hmanlain Department in engatinge hefi zozai Bus kan lei. Anih leh Truck pawh Public carrier tamtak kan neih lain engatange heng truck te hi kan lei? A enkawl nan hian Vaibelchhe tel kumtin kan seng si a. Chu chu pakhat a ni a. A pahniha ah chuan Assam Vehicle Taxation Rules 1936 kan hmang a ni Mizoram hian. Sub-Section 34 kha chhiar ngat ula, tuna kan truck lei leh part lei te reng teng hi kan hmandan ah chuan Road Tax pe tur kanni tlat. Engatinge kan pek loh?

PU P.C.ZORAMSANGLIANA : Pu Deputy Speaker, zawh belhna. Heng Bus kan neih te ang te pawh hi eng size nge annih a tlangpui in, Medium nge an nih a small size annih kha ka hre duh a. Tin, chung kanneih atang te chuan Revenue Earn eng ang nge kan neih. Tin, chutih rualin mimal Private hemi Bus neitu te hnenah khawpui chhungah Medium Bus pressing out tum meka ni a, kan lo hriat danin chutih rual chuan heng Department hrang hranga Bus nei te hi Medium Bus nge annih a small Bus? Medium Bus Department ta hi Pressing out tumna a awm ve em?

Tin, chutih rualin heng Bus neitu te hian State Transport Authority te phalna in nge an lei a, amahni Department thu thu-in an lei mai? Chu chu kan hre duh nghal a ni.

PU H.RAMMAWI : Kan Bus neitu te hi an tam khawp mai a, heng Revenue, L.A.D., Power. Nichina kan Minister zahawm takin

a sawi ang khan, a biktakin heng Forest te Training kannei a. Forest Guard te training nei lai te kan nei a, Health Department-ah te hian kan Nurse hetiang training nei lai te kan awm a.

Tin, Police ah te pawh hian training neilai te kan awm a, tin, Police te Home Guard te hi chu Force anni a, pawimawh pawh an pawimawh hrim hrim a. Forest te Health Department ang te nen hian.

Anaherawhchu, a Department zawng zawng ina L.A.D. kan ti a Revenue kan ti a, a Power nen, .. neihvek hi kan tum a. A thlawna Office kal vek a mahni duh duhnaah tih kawii hi kan tum chho a ni awm a. A bik takin kan sorkar-in pawisa harsat avangin Minister hial te pawh karkhatah vawihnih ke a awn kal lain, hetiang hianin nawmsip bawlnan kan hmang niin a lang a. Hei hi chu Sorkar-in enchian that deuh a tha lo maw ?

PU LAL THANHAWLA
CHIEF MINISTER

: Pu Deputy Speaker, Hemi Motor tam lutuk chungchang ah hi chuan kan ngaihnan a inang tlangpui vekin ka ring a. Hun rei tawh tak atang

a thil practice tha vak lem lo lo zui chho tawh a awm nual a. Tin, Motor hmang lo tur awm ang te pawh dang tam tak an awm a ni. Chu chu wawi leh khata Trace-out mai a remchan lohna a awm a. Zawi zawiin trace-out tum chu a ni a. Tin, chumi rualchuan sorkar hnathawk tute an Welfare pawh enve a tul a. Chungte avang chuan entirnan thenkhat hi chuan Pisa leh Pisa inkar nichina Member zahawmtak Sangau bialtu-in a sawi ang khan a huhova han kal hum hum ngaihna te an hna-in a entitle ve hrim hrim khang kha a awm a. Chung chu rectify a awm leh a, mahse chutiang lemlo an awm ve nual bawka ni.

Tin, hei entirnan Local Administration te'ng te hi chuan Truck hi bawlhhlawh paihnan an hmang a, Aizawl khawpuih leh Lunglei ah te leh Khawpui deuh deuh ah hian bawlhhlawh paihnan an hmang a, tuna an neih pawh hi a indaihlo hle a ni.

Tin, chutiingin hei power ang chi ah te nichina sawitelloh Department deuh deuh ah khan. Heavy Equipments eng eng emaw phurh tur hi an nei ve deuh reng a. Chu chu midang ta an hire dawna remchang mai lo te a awm thin a. Chungte avang chuan Department thenkhat khat te chuan anneih a tul a, amaherawhchu, neih tulve a lang lem lo, tute emaw Balu leh Irojj rod phur mai mai hi a tam ve a ni. Chu chu a dik a. Chuvangin, chung chu, tunah nikumah chuan Tui, thallaia tui Public tana chawitir te ang te hian kan requisition deuh vek a, an department khan kuminah pawh hian Lunglei ah te chuan kan han ti tan leh a, chutiang chuan, mimal tan nilova Public Interest a tana a kalna turin kan ngaihtuah chho mek zel a. Tin, Bus te pawh hi chutianga an staff te Welfare atana hman a ni tlangpui a. A tlangpuiin Mini Bus an ni hlawm a ni. Tin, chutiang chuan, a tullo deuh te lo nei ve lak lawh tawh hi hun kaltawh atangin tute emaw demna nilovin lo inchhawp chho tawh a ni a. Vawikhata han tih reh mai chi a ni lova, amaherawhchu zawi zawi chuan tih rem tum a ni a. Tin, a tlangpuiin Revenue Earn tur a anni hrampa lem lova, anmahni Department entirnan Department thenkhat khat chuan Equipment rit tak tak khawiahemaw transportation ngai rang tak taka tih ngai te a awm thin a. Chung chuan annei nual a ka tih tawh kha. Thenkhat tul mang lova

a awm hlawm a ni. Entirnan : hei a bikin Civil Aviation te hian Bus an nei a, hei hi Helicopter te kan han hire lai kha chuan a loh theihloh tluk a ni a, Passengers te convenience atan. Amaherawhchu chungye kanneih tawh loh hnuah hian tunhnuah hi chuan a tul zel tawhin a lang lem lova. Tourism hi chuan Group Tourist kan neih chang a tam ve a, chutiang ang zawnge chuan a dang dang te pawh hi a tul anga leh tura en mek a ni a. Engpawh nise kan concerned a dik lo leh thalo kan tihdan kha a inang tlangin ka hria a. Chu chu kan lo en nual tawh a, amaherawhchu ka sawi tak ang khan vawikhat ah leh maiktheih anni hranpa lo a ni.

Tin, Aizawl Town Bus a Motor lian Bus lian hman hi kawng a chep awngin press-out tum a ni a, zawi zawiin hei pawh hi vawikhata han tih mai theih a ni lova. A chhan chu mi in eizawn nan neih lungkhawngin an lo lei tawh a. Chumi a a man hu emaw engngemaw zat tal profit emaw an la siam hma a han tih tawp sak ringawt a kha a dik theih loh avangin hun tiam chin peka chumi hnuah trace-out turin tih anni a. Tin, chuti a nih loh chuan Motor te pawh hralh a, a hralhna tur pawh atul ang zawnpui chutiang chuan a tul angin sorkar-in a dap mek a ni. Tin nichina mi-ah khan han kir lawk ilangin hei condemn hi tuna sorkar kalphungah hian a har lutuk a, a dan tlangpuiah chuan a tlemberah one-lakh kilometre a tlantur a ni tih a ni a. Tin, kumnga service a pe tur a ni. Chutichung pawh chuan hemi dawta a thil nek nek hi a tam riau mai a. Chuvangin, condemn tura condemnation board in a an tih chhung hian thil tantak a bo hmana, a valuation a lo tla zel a, chuvangchuan sorkar-in sum lak a hloh avangin tunah hian sorkar-in a ngaihtuah mek a ni.

PU ZOSIAMA PACHUNU :

Khawngahin ka zawh chhan pathumna Report ka dawng anin. Hemi department Truck thenkhat lo off-road ang a, record in office-ah. Kan officer lian thenkhat loh a aia lian leh deuh te hian thla sarih te sorkar senso-in an kawh a, an insak nan an hmang tih hi sorkar-in a hria em? Pahnihna, he Bus hi a thenin season ticket an pe a, Department thenkhatin season ticket pe chung khan a kawnga kha a kalna lam a nihloh avangin Department khata thawkte hi Vengkhata awmkhawm vek theih a ni lova. Veng hrangah an awm a, chu chuan thinurna lungawilohna department-ah a ti tam a, Department dang ta sawlamah kaltir tih programme G.A.D atangin em emawni kha kha tih a ni a. Chu pawh chu Department Officer thenkhat kan ngam loh avangin khawmpui hruai nan te kha kha an lo hmang leh daih a, a kal chuang hlei lova, season ticket pawh an ti chuang hlei lova. Tunah hian inkhawngual lo tak in kan Bus hman dana hi a awm a ni, tih kan sorkar-in a hria em?

Tin, a dang lelah chuan he kan Bus a hi thenkhat chuan an mimal hlawk nan an hmang a ni. Thenawm khawvengte mit hmuhah a hnawk hle tawh a ni tih hi an hria em.

PU LAL THANHAULA
CHIEF MINISTER :

Pu Deputy Speaker, tunah khan Member zahawmtakin min hril a sorkar in a hria a, tin, a hma pawhin kan hrenual a, amaherawhchu thil hi a tenghnengte hi a reitawh a. Thawklekhata han sut kian duak mai harsa te hi a awm a, tin, tantu te hi kan lo neive zela, zep tur a awm lova, hei Sunday-School pakhata lawizate phei

hi chu induhsakna kawngah pawh hian induhsak hleithei lo khawp a, keimahni mizo leh mizo inhmaizahna te a awm a. Chutiang chuanin thil khirh khan deuh te hi a awm a, amahe-rawhchu chutichungin tuna member zahawmtak sawikha kan hre-nel nual a. Bus hmandan chungchangah te Truck hmandan chungchangah te chu chu ka sawi tawh ang khan vawikhata tih duak theih loh avangin zawi zawiin Truck te pawh tun emaw Balu leh Iron Rod te phur mai mai lova Public interest a hman dan te. Tin, chutiang zelin Bus te pawh (Pu Zosiana Pachuau : Bus te hi a hrem angem ?) An phu ang tawkin kan ti zel a ni. Mahselangin thisen zawmpui te pawh hi tute mahin insawipui lo ila, tiang chuan hna a thawh that theih a a thawh dik theih a. Ka tlakna tawp tur a nih pawhin thudik a nih phawt chuan kei chuan ka ti zel ang.

DEPUTY SPEAKER : Question No 26 na - Pu Zoramthangan han zawt teh se.

PU ZORAMTHANGA : Pu Deputy Speaker, ka zawhna starred question 26 na-

Will the Hon'ble Minister in-charge Education & Human Resources Department be pleased to state -

DIET - a Lecturer turte hi eng anga lak tur nge an nih ?

DEPUTY SPEAKER : Minister in-charge Dr H.Thansangan han chhang teh se.

Dr H. THANSANGA MINISTER : Pu Deputy Speaker, DIET-a lecturer lak tur te hi cent percent Direct Recruitment a lak tur a ni.

PU ZORAMTHANGA : Pu Deputy Speaker, zawh belhna - hei a la tu ho tura Sorkarin a a committee leh a Board an siam ve te pawh kaltlang lova fel lo taka lak a tamin a va lang ve. Chulalah chuan engtiangin nge lak an nih tawh a, eng angin nge ni process an nih a, engzatnge maw lak an nih tawh min hrilh chiang thei em aw.

Dr H. THANSANGA MINISTER : Pu Deputy Speaker, a lak thawk tawh leh lak thar te nena siam rem dan chu hetiang hi a ni - 5 (five) T.T.I. a lo thawk tawh te kha khulamin a Norms an siam angin qualified panga an awm a ni. Chumi panga te chu absorb an ni mai a. Thawk sa kha an ni a, T.T.I. kha DIET ah kan let mai a ni a. Tin, pasarih kha instructor an ni a, an tling ta lova, qualification ah khan. Amaherawhchu, condition awmin anni kha lak chhoh an ni a. Mahselangin chance kan pe a, kum thum chhunga qualified turin, Chumi an tih theih loh chuan an hna ngaiah emaw, khawiah emaw siam remna tur an awm mai ang a.

Chutiang chuan pasarih (7) an awm a ni. Tin, pali dang tunah hian adhoc appointment in an thawk a, hei hi Central pawisa a ni a, annin in tih hman loh chuan tun bak kan renew tawh dawn lo an ti bawk si a. Pawisa liam tur kha a uiawm si a. Recruitment Rules kan la peih si lova. Kan in nawr nasa mai a, Recruitment awm lo khan D.P.C. in a ti thei bawk silova, chuvangin Adhoc appointment kha kawng awm chhun a ni. Chu chu pali an ni.

DEPUTY SPEAKER : Question No. 27 na' - Dr R. Lalthanglianan han zawt teh se.

Dr R. LALTHANGLIANA : Pu Deputy Speaker, ka zawhna starred question No 27 -

Will the Hon'ble Minister in-charge Power & Electricity Department be pleased to state -

Aizawl Electric Venga Power House khawl hi siam that tumna a awm em ?

DEPUTY SPEAKER : Minister in-charge in han chhang teh se.

PU LALHUTHANGA MINISTER : Pu Deputy Speaker, a chhanna chu awm e tih a ni.

PU R. ROMAWIA : Zawhbelhna - tun eng tha lovah hian Power House a tha silova, Budget study tur pawhin, Minister zahawm tak hian Session chhung chauh tal pawh M.L.A te hi Petromax emaw min hawh tir thei ang em ?

DEPUTY SPEAKER : Kha chu a question nen a in hlat em mai. Tunah question No. 28 na Pu J.H. Rothuaman han zawt teh se.

PU J.H. ROTHUAMA : Pu Deputy Speaker, ka zawhna starred question 28 na -

Will the Hon'ble Minister in-charge Education & Human Resources Department be pleased to state -

(a) Kum 1991-92 chhung hian Education Department ah Zirtirtu Primary School, High School thlengin a awm em ?

(b) Awm nise, engzatnge siam tum a nih ?

DEPUTY SPEAKER : Education Minister in han chhang teh se.

Dr H. THANSANGA : Pu Deputy Speaker, pakhatna kha
MINISTER awm e tiin chhang phawt ila (b) na
kha awm zat chu hei Sorkarin hna
thar a siamsak teuh mai a, kan
hlawhtling dawn nge dawn lo pheii chu a hriat loh a, hna tul-
na avangin kan han tum deuh ngawt chu a ni a, Government
Middle School-ah 22, Primary School-ah 37.

PU J.H. ROTHUAMA : Pu Deputy Speaker, zawhbelhna -
Nikum kumtir lam khan Khawhai
Government Middle School a zirtir-
tu pakhat thawk lai chu a post
chawpin Chhiahtlang Government M.E. School-ah sawn a ni
tih hi kan Minister zahawm takin a hria em ? tih ka zawt
duh a. Lo nei ta selangin in post thar siamah chuan
Khawhai Middle School ah zirtirtu an lak chhuahna hmunah
hian dah tumna an nei em tih ka zawt tel duh e.

Dr H. THANSANGA : Pu Deputy Speaker, an sawn lam chu
MINISTER ka hre ve mang lova. Chu chu an lo
sawn anih chuan dik ah ngai lo ila.
A post a pempui chuan Khawhai lam
kha an in daih loh phah deuh dawn a ni mai a, kha tak kha
transferred hi a buaithlak na lai a ni.

Chuvangin a kalsan tur lam leh a
va kal lehna tur lam ngaihtuah tawn a, ngaihtuah loh chuan
tihsual a awm thin a, chu chu kan member zahawntak khan a
rawn ngaihtuah ngun hle niin ka ring a. Engpawhnise, a
in sawnna lam School in daih loh em em avanga tih pawh a
lo ni mai thei a. Helam in daih lo ve tho a lo nih chuan
a hna thar lo awm atanga in siam rem dan chu awm awntak a ni.

DEPUTY SPEAKER : Zawhna 29 na- Pu Tawnluian han
zawt teh se.

PU TAWNLUIA : Pu Deputy Speaker, ka zawhna starred
question 29 na -

Will the Hon'ble Minister in-charge Environment &
Forest Department be pleased to state -

Kawlkulh ah Forest Range Headquarter engtikahnge
dah anih ang ?

DEPUTY SPEAKER : Minister in-charge Pu Zalawman
han chhang teh se.

PU ZALAWMA : Pu Deputy Speaker, Kawlkulhah hian
MINISTER Forest Range Headquarter thar hawn
tumna mumai a la awm rih lo.

PU VANLALNGENA : Zawhna 30 na- Pu H.Rammawian
DEPUTY SPEAKER zawt se. Pu Rammawi i zawt dawn
em? (Member ho an lo tawng nuaih
nuaih a) Ngawi teh u, Chair khatin
ti suh u, Parliament deuhin. A tirah supplementary in ti
lova, question dangah ka kal tawh a, khatia luhlul chhuah
a, chair in tih buai chuan a tha lovang. Supplementary
kha a chhanna atang khan a fiah tawh a.

Chuvang chuan kha kha chu a ngai
tawh lo, sawmthumna i zawt dawn em? A question a kha a
chhan hmasak atang khan a clear ka ti a, kha kha chu thil
tul lo a ni. Thil tullo chhan nan hun kan hmang tur a ni lo.
Question 30-na in zawh dawn loh chuan 31-na ah ka kal dawn.
In zawh duh loha in walk-out anih chuan nangmahni thu a ni,
31-na in zawt dawn em? Dawn lo maw? 32-na Pu Rualchhina
i zawt dawn em? 33-na in zawt dawn em? Pu R.Lalthangliana
dawn lo maw? 34-na Pu Aichhingan a zawt dawn em? Dawn lo
maw? 35-na Pu Rualchhina a zawt dawn em? Dawn lo maw?
36-na Pu K.Vanlalaiva'n a zawt dawn em? Dawn lo maw? 37-
na Pu Tawnluia'n a zawt dawn em? Dawn lo maw? 38-na
Pu H.Rammawi. 39-na Pu Aichhinga. 40-na Pu K.Vanlalaiva'n
a zawt dawn em? Dawn lo maw? Question hour kan zo.

PU LAL THANHAWLA : Pu Deputy Speaker, kan rama la
CHIEF MINISTER awm ngai lo vawiin ah hian Bairabi
Rail Kawng naktuka hawng tura in-
puahchah a ni a, chutah chuan mem-
ber te a tam ber hi kan kal dawn a, naktuka function nang
tura ban tiang a harsat avangin vawiinah kal a ngai dawn a.
Hemi atan hian eptu lampang MNF Group Leader pawh ka rawn
tawh a. Tin, J.D. lam member zahawmtak pawh ka rawn tawh
a, ani pawhin a remti a, tha an ti a, anni zingah pawh tam
tak kal tumin an inpuahchah a. Chuvangin House hi chumi ah
chuan hun thawl deuh neia kan kal theihna turin min adjourn
sak mai a. Business dang la lo turin ka ngen che a, tin,
hemi ka ngenna ah che hian MNF Group Leader leh J.D. member
zahawm tak remtihna pawh ka nei nghe nghe a. Chuvangin, chu-
mi Bairabi a hunthawl tak neia kan kal theihna tur atana
House hi Business la tawh lova min adjourn sak a, vawiin nia
Business hi hun remchang dangah siam turin nangmah leh BAC
pawh ka ngen a ni.

DEPUTY SPEAKER : Leader of the House ngenna leh
rawtna kha kan hre vek a, tha
kanti em? Kan pawm thei mai
lawm ni? Chuti anih chuan
vawiin Session chu Business dang la lovin kan kal mai
ang a, Thawhtan dar 10:30 A.M. ah Session kan tan leh
dawn nia.

House Adjourned
at 11:23 A.M.